

5. marts 2006

UKIU2006/13

Namminersornerullutik Oqartussat umiarsualiveqartiutaanik sanaartorneq, aserfallatsaaliuineq, ingerlatsineq il. il. pillugit Inatsisartut peqqussutaata allannqortinneqarneranik Inatsisartut peqqussutaannut nr. xx, ulloq xx-imeersumut siunnersuut

pillugu

Inatsisartut Ineqarnermut Attaveqaqatigiinnermullu Ataatsimiititaliaata

ISUMALIUTISSIISSUTAA

Siunnersuutip aappassaaneerreqarnerani saqqummiunneqartoq

Inatsisartut ataatsimiititaliaat suliarinninnermini ukuninnga inuttaqarpoq:

Inatsisartunut ilaasortaq Godmand Rasmussen, Atassut, siulittaasoq
Inatsisartunut ilaasortaq Agathe, Fontain, Inuit Ataqtigiit , siulittaasup tullia
Inatsisartunut ilaasortaq Agnethe, Davidsen, Siumut
Inatsisartunut ilaasortaq Tommy, Maru, Siumut
Inatsisartunut ilaasortaq Esmar, Bergstrøm, Demokraatit

Inatsisartut Ineqarnermut Attaveqaqatigiinnermullu Ataatsimiititaliaata Inatsisartut peqqussutaataa allannqortinneqarneranik Inatsisartut peqqussutissaattut siunnersuummik siullermeerinerup kingorna siunnersuut oqaaseqaatitai ilanngullugit misissuataarpaaa.

Siunnersuutip imarisaa.

Inatsisartut Ombudsmandiannit oqaatigineqartut tunngavigalugit Inatsisartut peqqussutaanni inatsisitigut toqqammaviusumik ersarissaasoqartariaqarnera Naalackersuisut pisariaqartissimagaat Inatsisartut Ineqarnermut Attaveqaqatigiinnermullu Ataatsimiititaliaata paasivaa. Najukkani umiarsualivinnik oqartussaasuulluni ingerlatsineq Namminersornerullutik Oqartussanut niuernikkut inissisimanermit sanilliullugu suliffeqarfinnut namminersortunut

attuomassuteqanngitsunut Naalakkersuisut suliakkiisinnaanerisa qulakkeernissaanut Naalakkersuisut immikkut tunngavissinneqarnissaat pisinnaatitaanissaallu siunertaralugu.

Tusarniaaneq

Siunnersuut Royal Arctic Line A/S-imut, KNI Pilersuisoq A/S-imut Inuussutissarsiornermut, Nunalerinermut Suliffeqarnermullu Pisortaqarfimmullu tusarniaassutigalugu nassiunneqarsimasoq ataatsimiititaliap oqaatigissavaa. Inuussutissarsiornermut, Nunalerinermut Sulisoqarnermullu Pisortaqarfik oqaatsitigut iluarsiiisuteqaqqusinissamut peqqutissaqarsimavoq. Tusarniaavigineqartut allat oqaaseqaatissamut peqqutissarsisimangillat.

Ataatsimiititaliap inassuteqaataa

Ataatsimiititaliami amerlanerussutillit Siumut, Inuit Ataqtiigut aamma Atassut siunnersuutip akuersissutigineqarnissaa inassutigaaat. Umiarsualivinnik oqartussaanerup suliakkiutiginissaanut tunngavissamik qulakkeerinissaq Naalakkersuisut allannguutissatut siunnersuummik saqqummiusaata periarfissimmagu tamanna pissusissamisoortuusoq amerlanerussutillit isumaqarput. Tamatuma saniatigut sinerissami umiarsualivinni pisortasut atuuffimminnut paatsuugassaangitsumik maannakkumiit umiarsualivinnik oqartussaaneramik ingerlatsisinnaanerat inatsisitigut tunngavissinneqarmat amerlanerussuteqartut nuannaarutigaaat. Tunniussinerup malitsigisaanik suliffeqarfiit namminersortut aalajangiineri eqqarsaatigalugit innuttaasut naammagittaalliorsinnaanermut periarfissinneqarnerat Naalakkersuisut peqqussummi allassimagaat amerlanerussuteqartut maluginiarpaat. Tamanna pitsaasuusoq amerlanerussuteqartut isumaqarpuq aalajangersakkammi innuttaasut inatsisitigut illersorneqarnerat aamma patajaallisaaveqatigaa.

Ikannersussuteqartut Demokraatit siunnersuut itigartitsissutigineqassasoq inassutigaaat.

Demokraatit siunnersuut arlalinnik peqquteqartumik itigartippaat. Soqutigisaqaqatigiit amerlanerusut tusarniaanermut ilaatinneqarsimanngimmata Demokraatit pissusissamisuunngitsutut isumaqarfigaat. Peqqussutissatut siunnersuummut qanoq isumaqarnerisut umiarsualivitsinnik atuisartut allat tusarniassallugit aamma naleqqulluartausimassagaluarpoq. Suliffeqarfiit namminersortut aalajangiinerini aalajangikkat inerniliussallu pillugit naammagittaallitunik Naalakkersuisut allannguisinnaanermut oqartussaasuusunerat Demokraatit aamma ajuusaarutigitsik oqaatigissavaat.

Inatsisartut aalajangiinissaminnut tunngammavigissaanerunissaat qulakkeerumallugu illuatungerisat naleqquttut tamakkerlugit tamakkiisuusumik tusarniarneqaqqaarniassammata siunnersuummik Inatsisartut aappassaaneerinissaat

UKA06-imut kinguartinneqarnissaa Demokraatit aammaarlutik
kaammattuutigissavaat.

Taama oqaaseqarluni Inatsisartut Ineqarnermut Attaveqaqatigiinnermullu
Ataatsimiititaliaata Inatsisartut peqqussutaata allanngortinneqarnera pillugu
Inatsisartut peqqussutissaattut siunnersuut Inatsisartunit
aappassaaniigassanngortippaa.

Godmand Rasmussen,
Siulittaasoq

Agathe Fontain,
Siulittaasup tullia

Agnethe Davidsen

Tommy Maru

Esmar Bergstrøm